



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCLIV. De Perditione equorum fratrum de Raganita, & exustione
praeurbiorum dicti Castri Scalovvitarum.

urn:nbn:de:hbz:466:1-11850

*Conradus de Feuchtwangen X. Mag. Gen. Ord. Teuton.
Meneko de Querfurt XII. Mag. Prov. in Prussia.*

& captis pluribus hominibus, depradatâ, iterum processerunt. Sed infideles hoc videntes, armatâ manu occurrerunt eis, & inito navali bello Fr. Th. de (a) Esbek & quidam frater dictus de Veringe mortui ceciderunt. De Lethovvinis autem LXX. viri in armis strenui sunt occisi. Hoc facto fratres iterum processerunt usque circa castrum Junigedam, ubi dum naves propter defectum aquarum stantes, in arena procedere non valerent, infideles supervenientes, fratrem (b) Hennemannum dictum (c) kint, & fratrem dictum List, & XXV. viros interfecerunt. Alii cooperante Domino evaserunt. Iste frater Theod. de Esbech mortem suam prädixit fratri Conrado Rufo, qui ei voluit dextrarium suum accommodare, dum recederet, dicens: sufficit mihi in equo meo, quia vivum me à modo non videbis.

ANIMADVERSIONES.

- (a) Esbeth habet codex Regiomontanus. Striykovvski legit modo Esbeth, modo Esbech. Codex vero Elbingensis & Jeroschinus habent Esbeck.
(b) Striykovvski habet Hevvenar. Elbingensis codex Herman.
(c) Codex Elbingensis habet Knit.

CAPUT CCLIV.

De

*Perditione equorum fratrum de Raganita, & exustione praebiorum dicti
Castri Scalovvitarum.*

Eodem Anno Dominicâ ante Nativitatem Johannis Baptistæ, Lethovvini occultè & improvisè venientes ad Insulam, sub Castro Raganita sitam, omnes equos fratrum & pecora receperunt;

Tt 3

runt;

runt; Et post in autumnno proximo utriusque Castri, scil. Raganitæ & Scalovitarum suburbia destruxerunt.

C A P. C C L V.

De

Apostasia Quinta & vindicta ejus.

HOc anno Bolislaus Dux Masovia, de quo dictum est, dolens de subversione Castri sui Wisne, assumpto sibi Lethovinarum adjutorio, reedificavit illud, quod cum perciperet Magister, turbatus ultra modum. Timuit enim sibi & suis fidei & fidelibus iterum nova pericula suboriri; Demandavit omnibus sibi subjectis, à Majore usque ad minimum ut ad bellum se pararent, si quomodo posset ædificationem impedire. Sed antequam fratrum exercitus conveniret & dispersus est in diversis locis; Nattangi, Diabolico spiritu instigante, consuetam malitiam innovantes, in opprobrium Jesu Christi apostasie vitium iterum commiserunt, quendam dictum Sabine in Ducem Exercitus eligentes. Principales & Capitanei hujus sceleris fuerunt Gauvina, Stanto, Trinta, Missino, & plures alii, quorum memoria transeat in oblivionem perpetuam, qui ad perpetrandam hujusmodi malitiam sic se ordinaverunt, quod Stanto prædictus cum quibusdam suis complicibus, occultè & fraudulenter intravit Castrum Bartenstein, & fratrem Rudolphum dictum Bodemer, & fratrem Fridericum de Libencele cum eorum familiâ captivavit. Sed Missino cum viris de territorio Sclunien equos fratrum de Kunnigsberg deprædavit. Cæteri discurrentes per terram, viros Teutonicos occidentes, mulieres & parvulos eorum ceperunt. Ecclesiis, & Ecclesie Sacramentis & ministris magnam verecundiam facientes. Sed Deus, qui in

se